



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ამირანაშვილი შალვა იასონის ძე



შ. ამირანაშვილი

ამირანაშვილი შალვა იასონის ძე [26. III (7. IV). 1899, ახლანდ. ონის მუნიციპალიტეტი, - 9. II. 1975, თბილისი], ხელოვნების ისტორიკოსი, ქართული ხელოვნებათმცოდნეობის ერთ-ერთი ფუძემდებელი. საქართვე. მეცნ. აკად. წ.-კორ. (1943), საქართვე. მეცნ. დამს. მოღვაწე (1959). სსრკ მუზეუმების ეროვნ. კომიტეტისა და მუზეუმების საერთაშ. საბჭოს წევრი (1957).

1922 დაამთავრა თსუ-ის სიბრძნისმეტყველების ფაკ-ტი, სადაც მისი პედაგოგები იყვნენ ი. ჯავახიშვილი, ე. თაყაიშვილი, ა. შანიძე, კ. კეკელიძე, გ. ჩუბინაშვილი. ა. უნტმა მიავლინა მოსკოვსა და პეტროგრადში, სადაც ბიზანტ. და რუს. ხელოვნებას სწავლობდა დ. აინალოვის, ფ. შმიტის ხელმძღვანელობით (1923-25). საქართველოში დაბრუნების შემდეგ, 1932 - 75 იყო თსუ-ის, ხოლო 1932-54 თბილ. სამხატვრო აკად. ხელოვნების ისტორიისა და თეორიის კათედრების გამგე, 1936-იდან - ხელოვნ. დოქტორი და პროფესორი.

1939 - 75 ა. საქართვე. ხელოვნების მუზეუმის დირექტორი იყო. 1945 მივლინებული იყო პარიზში 1921 გატანილი ეროვნ. განძის სამშობლოში დასაბრუნებლად. ა., ფართო და მრავალმხრივი მეცნიერი, იკვლევდა არქიტექტურას, კედლის მხატვრობას, მინიატიურას, ჭედურ ხელოვნებას, დაინტერესებული იყო თანამედროვე მხატვრობით; ქართ. ხელოვნ. გარდა, მუშაობდა ბიზანტ., რუს., ირან. ხელოვნების დარგში.

ა. 200-მდე შრომის ავტორია, რ-თაგან აღსანიშნავია ფუნდამენტური *თბზ.* „ქართული ხელოვნების ისტორია“ (1944). მისი შრომები გამოცემულია რუს და დას. ევროპის მრავალ ენაზე. ა-ის ნაშრომებისათვის დამახასიათებელია კვლევის ფართო დიაპაზონი. ფაქტობრივი მასალის სიუხვე, განმარტებული დასკვნები. ა-ს დიდი ღვაწლი მიუძღვის ქართვ. ხალხის მატერ. კულტურის ძეგლთა დაცვისა და შეგროვების საქმეში. იყო საფრ. სააზიო საზ-ბის წევრი. საქ. სსრ VI და VII მონვევების უმაღლესი საბჭოს დეპუტატი.

მიღებული აქვს სახელმწ. ჯილდოები.

დაკრძალულია მწერალთა და საზოგადო მოღვაწეთა დიდუბის პანთეონში.

საქართველოს ხელოვნების სახელმწიფო მუზეუმს 1990 მიენიჭა შ. ამირანაშვილის სახელი.

თბზ.: უბისი, ტფ., 1929; ბეჟა ოპიზარი, თბ., 1956; ვეფხისტყაოსანი ძველ ქართულ ხელოვნებაში, თბ., 1968; საქართველოდან სხვადასხვა დროს გატანილი სამუზეუმო განძეულობა და მისი დაბრუნება, თბ., 1968 (*გამოც. მე-2*, თბ., 1978); ქართული ხელოვნების ისტორია, თბ., 1971 (რუს. ენაზე - 1963); ხახულის კარედი, თბ., 1972; დამიანე. XIV ს. ქართველი მხატვარი, თბ., 1974 (*გამოც. მე-2*, თბ., 1980); Иранская станковая живопись Тб., 1940; Иранская живопись XVIII-XIX вв., Тб., 1941; История грузинской монументальной живописи, т. 1, Тб., 1957; Грузинская миниатюра, М., 1966; Пиросманашвили, М., 1967; Les émaux de Géorgie, P., 1962.

ა. ჩხარტიშვილი
